

大經重修
定門縣志
二十九年

庚寅季夏開雕
辛卯仲春畢工

癸巳重校定本

修輯姓氏

監修

署定興縣事蔚州知州張諧之河南陝州人乙丑進士

定興縣知縣嚴祖望浙江諸暨人監生

署定興縣事滿城縣知縣張主敬貴州貴筑人丙子進士

署定興縣事柏鄉縣知縣李傳棣湖北孝感人監生

纂修

掌山東道監察御史前翰林院編修楊晨浙江黃巖人丁丑進士

鑒定

頭品頂戴兵部侍郎兼都察院右副都御史陝西巡撫鹿傳霖本邑人壬戌進士

定興縣志

修輯姓氏

一

協修

定興縣教諭姚茂坤天津青縣人癸酉舉人

定興縣訓導諸葛錫祐順天武清人歲貢

翰林院編修兼襲騎都尉世職鹿瀛理本邑人丙戌進士

福建恆春縣知縣王惠吉本邑人丁丑進士

校刊

工部虞衡司主事張文煥本邑人庚寅進士

本邑己丑科舉人鹿興世

校刊兼採訪

縣學生員董澤霖

縣 學 廩 生 鹿學畬

督工

定 興 縣 典 史 王國楨 山東福山人 監生

署 定 興 縣 典 史 唐作楫 山西洪洞人 監生

督工兼採訪

縣 學 生 員 張宗翰

詹 事 府 供 事 王雲山 本邑人 禮書

採訪

山 東 蓬 萊 縣 知 縣 劉宗向 本邑人 丁卯舉人

候 選 教 諭 甄 琦 本邑人 丁卯舉人

定興縣志

修輯姓氏

二

本 邑 己 卯 科 舉 人 田豐泰

本 邑 己 卯 科 舉 人 高樹珠

本 邑 戊 子 科 舉 人 許夢松

前 井 陘 縣 訓 導 姚 堃 易州人 丙子優貢

候 選 教 諭 鹿學陶 本邑人 癸酉拔貢

縣 學 廩 生 常 榮

縣 學 廩 生 任盛春

縣 學 廩 生 姜遇文

縣 學 廩 生 何樹棠

縣 學 增 生 鹿福世

縣	縣	縣	縣
學	學	學	學
生	生	生	生
員	員	員	員
高 清 秋	李 允 中	李 宴 春	謝 宗 濂

定興縣志

編輯姓氏

光緒重修定興縣志敘

己丑春門下士鹿喬笙太史奉其叔父滋軒中丞之命以重修縣志請予懇謝弗獲乃披覽舊志發匱陳書與諸君子商榷義例折衷於中丞踰歲中丞持節陝西主者欲速就於是屬草槁略定爲之敘曰定興置縣始金大定間明季邑人屢有編纂迄未成書逮

國朝康熙間而志始具蓋距立縣時四百有餘歲矣文獻之不足豈不重可慨乎顧其爲書雖攷訂未審而文筆簡嚴大指歸於敦厲名教籲呼民生之疾苦以告司牧一篇之中三致意焉及乾隆時重修排比刊削已失其用意之定興縣志

卷首 敘

一

所在而北朝以來石刻多有要皆不知取證其失雜均故予嘗謂中丞邑人著述旣罕傳本所藉以訂譌補逸者非博攷羣籍與金石刻不能徵也然分任其事者綦難閱市借人亦不易得加以體例外延宜有裁訂爲之似因而實勘寬假歲月殆庶幾乎今就所見聞大率補綴者十之三匡正者十之二益以新事較舊爲卷幾倍焉昔宋羅願有言儒者之書具有微情不同鈔取記簿此予所兢兢者也後之視今猶今之視昔予敢自信乎哉茲邑近隸折甸以名節聞海內輜車之使絡繹道涂苟以備采風者之選史官之要刪則此爲嚆矢爲椎輪若都人士爭奮於學如鹿

忠節父子及王芥子其人者踵而治之斯不虛中丞修舉
之意而予之所企望者爾至其義例詳具別簡茲不贅云
光緒十有六年歲在庚寅季夏黃巖楊晨譔

重修定興縣志序

定興爲古范陽故城在今縣南境隋爲迺縣金大定間始更今名李唐以來於易於涿改隸無常明乃隸保定府密邇畿封凡朝覲職貢仕宦商估自西南輻輳來京師者恆必道此驛騎交馳棧車相擊蓋綦煩哉余以光緒十五年四月自滿城來權是邑適中丞鹿公養疴里邸慨念縣志自康熙迄乾隆一再修輯蓋百數十年於茲其間文獻之久闕而輜軒之無采久矣亟聘侍御楊君主其事比十六年夏而書成會余復奉檄移權柏鄉邑摺紳諸君謂余不可無一言余維周官一書春官宗伯之屬有外史掌四方

定興縣志

卷首序

三

之志小史掌邦國之志而天官冢宰復有司會掌書契版圖之貳餘若黨正閭胥山師川師籙師莫不有掌凡自畿甸以及鄉遂都鄙其土地山川之所至風俗人民之所宜亦旣厥有專司纖悉靡遺逮封建改而此制廢外若行省郡縣官司庶政罔不憑藉案牘守之胥吏案牘率易佚而胥吏又不可恃於是幸賴方府州縣諸志援古證今紀綱庶事尙足維持於不敝鹿公旣雅意及此又得楊君夙擅史才商榷改定故其爲書體例精審屬筆隸事具有史法總目凡十有三子目五十有六秩如瞭如無闕無濫循而守之今猶古也余幸蒞茲土樂觀厥成遂不辭固陋附識

數言於篇

光緒十六年八月 賜進士出身前工部主事知滿城縣
事署定興縣知縣貴筑張主敬序

定興縣志

卷首序

四

光緒重修定興縣志序

定興之置縣始於金大定六年定興縣之有志則始於國朝康熙十二年其續志作於乾隆四十四年前明嘉靖間初議創修書成而不果梓萬厯間西華胡公宰吾邑開局纂修先忠節公身與其事大綱粗立又不果梓稿亦燬於兵劫 國初孟縣張公集衆重修書成而張擢京秩去併其稿佚焉康熙志之作以橘洲范先生之范陽識略爲藍本乾隆志又加詳焉自乾隆己亥至於今又百餘年矣吾邑地當孔道號稱畿輔要衝地絡紆縈物華彪蔚百年以來官師之循績衣冠之盛事與夫忠義節孝之存乎人

定興縣志

卷首序

五

風蝗旱潦之因乎天因革損益之係乎地均關掌故並待修明余以光緒丁亥引疾歸里越明年諸暨嚴君貴筑張君先後來宰吾邑興廢舉墜政罔不綱乃與商推志事設局重修延黃巖楊侍御晨任其事以熙隆兩志爲輪輅羹酒而益以近代之人文國故其間義例多所更定如沿革金石各立專門列女增入賢媛賦役並詳古制此皆其犖犖大者足以補前賢之闕遺堅後來之傳信蓋乾隆以前之方志大半沿明人康韓之習義例踳駁未臻純美迨會稽章實齋陽湖孫洪方董諸先生出而後志例粲然明備體裁彌復雅潔侍御學有本源虛衷樂善邢家丞之理多

言少宋尙書之文省事增殆兼有之信足爲鄉邑光矣是役經始於光緒十五年二月成於十六年六月殺青未畢而余出撫三秦因念先忠節公畢力網羅未登梨棗鼓殘賸稿卒與丹燐碧血同付銷沈而余今日幸得與嚴張楊三君蒐討古今剋期藏事然則斯志也豈惟閭里之光卽持是以告忠節之靈當亦樂觀厥成而無復隱恫者矣光緒十有六年歲次庚寅孟冬邑人鹿傳霖譔

卷首 敘目 凡例 圖說

卷一 地理志 沿革 星野 疆域 里社村莊 河渠

隄防 橋渡

卷二 建設志 城池 官廨 壇廟 學校附義學 庶政

卷三 賦稅志 戶口 糧賦 倉儲 稅課

卷四 祠祀志 秩祀 叢祠

卷五 兵驛志 營汛 驛遞

卷六 職官志 令佐 學官 武職 封爵

卷七 職官志 宦績

卷八 選舉志 薦舉 進士 舉人 貢生

定興縣志 卷首 目錄 一

卷九 選舉志 武進士 武舉人 雜選 封贈 恩

廕 耆壽

卷十 人物志 列傳

卷十一 人物志 孝友 忠節 義行 文學 武功

寓賢 方外

卷十二 人物志 列女

卷十三 風土志 風俗 物產

卷十四 古蹟志 遺址 宅墓 坊表 寺觀

卷十五 藝文志 書錄 前志

卷十六 金石志 一 北魏 北齊 唐

卷十七金石志二 遼 金 元

卷十八金石志三 明

卷十九大事志 災祥 兵事

卷二十 志餘 遺聞 雜錄

卷二十一文錄一 奏疏 論說

卷二十二文錄二 序跋 贈序 書啟

卷二十三文錄三 碑誌

卷二十四文錄四 傳狀 雜文 雜記

卷二十五詩錄一 古體

卷二十六詩錄二 今體 詞附

定興縣志 卷首 目錄

重修凡例

地志爲史家之流別其源出於禹貢職方班志因之但

紀方域山川風俗貢賦而閒及古蹟

四庫提要謂元和郡縣志始涉古

蹟仿山海經例似非

自唐及宋率踵成規樂史寰宇記始登人物

間及藝文

晉摯虞畿服經有先賢其書佚無考

王象之增以碑刻祝穆多

載名勝詩文踵事增華漸失本義逮明益蕪雜矣然而

徵文考獻恆必由之續修所增皆是物也亦勢使然耳

至於門類多寡各異要在簡而不匱繁而不蕪今酌乎

古今之變與夫繁簡之中發凡起例明厥大指分爲十

三門五十六目惟限於時日見聞譎陋之譏知所不免

定興縣志

卷首 凡例

宏雅君子理而董之

一地志本名圖經蓋有非圖不明者古人所以左圖右史

枕藉兼資也舊志並未開方計里殊欠精詳今改定之而

八景則削焉

一志莫要於沿革沿革不明則疆域不定而事蹟人物舛

悞必多舊志於分合廢置之際未能詳稿今據史志輿地

各書及古石刻以補正之有所不知則從蓋闕

一星野之說昉自古初後滋疑議劉知幾史通謂史不當

志天文而况彈丸之地乎今依通志府志略存古說增載

晷度從實測也

許啓祥言范氏去天留地覆載不全則范陽識略本無天文志歟

一縣境無山而水有涑易舊志簡略原委弗詳今仿水經以涑水爲綱易水爲目而別水支渠附焉次以隄防橋渡從其類也

一康熙志賦役極詳乾隆志刪去舊章但存新制意以更定而後丁銀散入地糧雜賦均多裁汰故耳然不載舊章不知新制之善爲我

朝之仁政也范氏諸論關係地方利弊均從前志補增

一鄉飲鄉射等事本教養以兼施乃因循而久廢具有深意安可弁髦志之以存告朔餼羊之義至於宣講

聖諭養濟義倉義冢保甲原本周官垂於令典統名庶政

定興縣志

卷首 凡例

二

各以類書

一壇廟舊志略載禮節不載樂章是爲有禮而無樂樂之所由失傳也今依通志補之後庶有興舉之者

一康熙志驛遞甚詳而列於田賦非也乾隆志分兵制郵政是矣顧邑當孔道供億甚煩而地屬邦圻設兵獨少僅供送迎之用無殊置驛之司故合志之蓋事以地殊也

一職官康熙志賢否並書乾隆志削之按明康海武功志官師兼著善惡以寓勸懲故仍勿削

一康熙志宦績傳官師並列乾隆志改曰循良自不能及司教然祀名宦者有教諭二人原屬並重垂勸將來故從

前志復用舊稱且據他文補其漏略

一康熙志列選舉於人物後意似重行輕文乾隆志改列於前以人才所從出也然多宜載而不載不宜載而載者今為考訂宜載者增之不宜載者附後核其實也舊志科

目曰甲科曰鄉科茲則直書進士舉人貢生從定制也以晉

後稱范陽涿人隋以後稱范陽人者舊志多誤收今改附於後以免借才異地之譏

一人物舊志每多誤收間有遺漏今以時地為據闕者補

之誤者附後蓋信以傳信疑以傳疑之義又按歷朝史例

列傳為先其入儒林文苑及忠孝節義各傳皆以一節表

見者也今定其目曰列傳曰孝友曰忠節曰義行曰文學

定興縣志 卷首 凡例

三

曰武功次以寓賢方外列女又按各傳均有事實隱逸最易濫登舊志所載八人惟楊

杜馬允稱而已今刪此目以四人入文學一入孝友二入義行

一劉向列女傳美惡兼收范氏後漢書賢才並列或作烈

女但載節烈者非也或錄已旌而不及未旌則窮閭之湮

沒多矣今取合例者並錄之賢而才者亦錄之無事狀者

附錄從唐書孝義傳例也

一漢志載幽鄉博浪遺蹟之屬也集靈射熊宮室之屬也

堯冢禹穴塋墓之屬也今列為古蹟門而坊表為周書表

宅之遺漢家三老之法續漢書志云鄉有孝子順孫貞女義婦讓財救患及學士為民法式

者三老扁表其門今官長給扁仿此仍從康熙志載入至於寺觀但依舊紀

不復新增

一藝文舊志以詩文當之非古法也今依通志改爲書錄
甄采序跋間附評論可以知前人撰著之指要文義之純
疵其詩文可附者附載各門吳郡志例不能附者別爲文錄詩
錄附志以行

一舊志序跋他志或列於前或刊於後未免蕪累今從文
史通義名爲前志著其大凡使後之人有可考焉

一朱長文吳郡圖經續記始立碑碣一門至元嘉禾志所
收多至十一卷亦考證之林也今創立此志自明以前古
蹟可貴故多收之明刻甚多略加甄擇

定興縣志

卷首 凡例

四

一災祥兵事史筆特書他志每入雜志略焉弗詳今從吳
郡圖經廣西通志名爲大事而以遺聞雜錄終焉

一徵文所以考獻邑人著作無多又患亡佚今擇有專集
者少收之失傳者寬載之而他邑人詩文之關涉本邑者
標明籍貫不復分編首冠

御製詩文餘以類次或以人存或以文存亦有微意在焉
一八景之詩殊嫌俗陋乾隆志刪去此門是也今擇其尤
雅者著於篇而以詞附於後

一地名官名人各從時代直書此通例也舊多參差今

改此史通所謂置於文章
則可施於簡策則非

一凡舊志所纂均爲標明不敢掠美其有增刪改訂皆注
援引書名或加按語使觀者可以考見得失焉

定興縣志

卷首 凡例

五